

www.BibleForChildren.org



John 14



lesu mo vereia isana nona tamlohi usuri mara, “Ha sopo matahu! Ha rasu God, ale ha rasuau sohena, matan na iman Tamaku jara matuvana la lo toho ea. A pa sopo vereuli kamim hinia vara mo sopo varañuhu.”



“A pa sahe vara a tatamahuni na jara matamim. Vara a tatamahunia i isoiso, a pa mele mai, a pa lavi kamim vara na sava jara na lo toho ea, kamim sohena ha pa toho ea.”



Enau John, voraimim matea, ale enãã ra lo turu
matea na rani ãilangi hin mauri atu God mo aulu
hinia, ãã ra lo turu ãilangi na ãromperavu


hin Iesu purongo, enau, la tauau na ureuren
Patmos matan na lo



retivujavujangi na
Reti non God, ale
matan na lo sorahi
Iesu.



Vahatea atu suihan Tanume Tapu mo mai isaku, e! Jara sakele non supe matea mo lo turu na tuka, ale na hite haratu mo lo sakele hinia, ale haratu mo lo sakele atu mo lo angiangi, majhina mo sohena vatu ũruhu sei jasper mo joriha ũroõha, ale sohena vatu ũruhu sei carnelian mo hahara.




Ale na rongo na hinau tari la lo mauri na tuka, na varama, na lolo varama, ale na tasi, ale hinau mo isoiso sei la lo toho hinira, la lalavete isan la tupra rua atu lara, "Isan haratu sei mo lo sakele na jara sakele non supe, peresi Natu Sipsip, la pa avulahi ũruhu, ale la pa lavi na hasohaso, peresi na hija aulu, peresi na suiha tavera tarea mata rani tui tui tarea!"




Ale na hite taon tapu atu — Jerusalem Paro, mo lo tai aulu na tuka isan God. Mo sohena hañrai matea mo ruru na ruru lahi mo tatamahu matan tuana. Ale na rongo na leo tavera matea mo tai na jara sakele nona supe, mo vereva mara, “Ka hitea! Nake, jaran God sei mo lo toho


hinia, i pa toho peresi na tamlohi. I pa toho peresira, ale enira la pa nona tamlohi, ale God hasena i pa toho peresira, sohena nora God.”



Ale angelo atu mo vujangiau hin wai roro mata mauri
atu sei mo niro sohena glas sei crystal, ale mo lo roro
mo lo malue na jara sakele nona supe non God enia
Natu Sipsip.



Ale taon tavera atu mo sopo opoi na alo peresi na vitu
vara la sasarami hinia matan memeran God mo lo
sasarami hin taon tavera atu, ale Natu Sipsip enia nona
lamu.




Pani i pa sopo te hina
lumiha hatea i eñi unu
hinia teni haratu posira
mo lumiha teni haratu la
halu, pani la haratu
purongo sei la lo uli na
hijara na lolo Puku mata
Mauri non Natu Sipsip.




“I pa kamoti na wai matara tari
na matara, i pa sopo te mateia,
řomsasati teni tangi teni epe
varihaji, matan hinau matan tuai
la tihai.”




I pa sopo te hinau hatea God i pa ōrohu hinia atu, matan jara sakele nona supe non God peresi Natu Sipsip i pa lo toho ea, ale nona volitusi la pa lotua. Ale la pa lo hite na nahona, ale hijana i pa toho na pungorira.



Ale na hite la haratu la mate, haratu la tamlohi aulu peresi la haratu la tamlohi purongo, la lo turu na naho jara sakele nona supe, ale puku la roi, ale puku tinapua matea mo roi enia — Puku mata Mauri. La ari la haratu la mate na sava la ulia hin la puku atu, mo tataholo na hinau tari la lo vaira na maurira. Vara tea hijana la sopo hitea na Puku mata Mauri, enia, la pulahia mo sivo na tasi hapu.



Ale, Tanume Tapu peresi hañrai atu i pa lahi lara,
“O mai!” Ale isan haratu mo eñi rongo, o vereã vara
“O mai!” Ale isan haratu mo mañohu, “O mai!” Ale isan
haratu mo opoia, o lavi na wai mata mauri mo sopo
te volina.



Matan God mo opoi na tamlohi na
varama sohen harihi: mo sile Natuna
sei enia vorahese, vara sava tamlohi
mo rasua i pa sopo vano na komo,
pani i pa lavi na mauri tui.



Romans 3:23 matan tamlohi tari la lo vai na hehe, la toho asau na hina ũruhuŕuhu sei non God hasena,

Romans 6:23 Matan voli hehe enia mateia, pani otori non God sei mo lo sile purongoia, enia mauri tui hin Křisto Iesu nořa Moli.

Hebrews 9:27 Ale God mo taua vara tamlohi hatehateahi la pa mate vahatea, ale hitahuna la pa turu na aria,

Ephesians 2:8,9 Matan kamim ka lo juri usuri na nona ŕomřuhu na rasua, kamim hasemim ka sopo vaia, God sei mo sile purongoi otori nike isařa; mo sopo juri kamim mata nomim vavahinau, mo vono matan vara tea i sopo eři mangisi matana.



Romans 10:9,10 Matan, vara o taviti na jingom vara Iesu enia Moli, ale o rasua na mapum vara God mo sauteterahia na mateia, o pa juri. Matan rasua na mapum purongo, enia natu, mo vaiho ko tataholo na nahon God, ale ko pa juri matan ko taviti na jingom.

John 3:16,17 Matan God mo opoi na tamlohi na varama sohen harihi: mo sile Natuna sei enia vorahese, vara sava tamlohi mo rasua i pa sopo vano na komo, pani i pa lavi na mauri tui. Matan God mo sopo ũrule Natuna na varama vara i ari na tamlohi, mo vono. Mo ũrulea vara i jurira hinia.

1 John 5:11-13 Ale vereulia atu mo sohen harihi: God mo sile na mauri tui moiso, mauri tui atu mo lo toho isan Natuna. Ale vara haratu mo lavi Natun God mo lavi na mauri tui, pani haratu mo sopo lavi Natun God, mo sopo lavi na mauri tui. Na lo uliuli isan la haratu la rasu Natun God, matan vara ha pa levosahia i ũruhu vara kamim ka lavi na mauri tui moiso.



John 14; 2 Corinthians 5; Rev. 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Tangoa NT (tgp) © 2009, Wycliffe Bible Translators, Inc. All
rights reserved.

<https://live.bible.is/bible/TGPWBT/MAT/1>

©2025 Bible for Children, Inc.

www.M1914.org

www.bibleforchildren.org

